

Nuup Sisimiut Ilulissat Qaqortullu avataatigut illoqarfiit mikinerit aningaasarsiornikkut ineriartornissaat pillugu, kommunit suleqatigalugit, pilersaarusiortoqarnissaa suliareqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Pilersaarussiaq kingusinnerpaamik UPA2020-mi Inatsisartunut saqqummiunneqassaaq.

(Inatsisartunut ilaasorta, Anders Olsen, Siumut)

Akissuteqaat

(Aningaasaqarnermut Nunanilu Avannarlerni suleqatigiinnermut Naalakkersuisoq)

Aappassaaneerinnineq

Inatsisartunut ilaasortap siunnersuutaata suliarineqarneranut atatillugu Aningaasaqarnermut Ataatsimiititaliap peqqissaartumik suliaqarnera Naalakkersuisut sinnerlugit qujassutigaa.

Ataatsimiititaliami ilaasortat amerlanerussuteqartut allannguutissatut siunnersuut taperseraat Naalakkersuisunit paasineqarsinnaavoq. Ataatsimiititaliami amerlanerussuteqartut allannguutissatut siunnersuutip nassatarisaanik allannguutit ilanngullugit misissueqqissaarnissap taaneqartup suliarineqarnissaa Naalakkersuisunit taparserneqarpoq.

Taamaalillunga siunnersuut Inatsisartunut suliareqqitassanngortippara.